

MISSINGIUT

Kalaallit Nunaanni inuinnarnut MitID pillugu nalunaarut

MitID aamma NemLog– in pillugit inatsimmut atatillugu peqqussut nr. 2090-imi 23. november 2021-imeersumi § 4, imm.. 2 amma § 5 naapertorlugit makku aaliangiunneqarput:

Inuinnarnut MitID-mik aqutsinissaq

§ 1. Ilisimatitsissummi inuinnaat MitID-mik qanoq atuinissaanni malittarisassat aaliangersarneqarput, ilanngullugit inuit ataasiakkaat kikkuunerinik isumannaallisaanermut, kinaassutaannik nalunaarsuinernut, tunniussinernut, mattussinernut, ammaaqqinnernut aammalu MitID-rineqartunik matusinernut, atatillugu suliassat.

Stk. 2. Kommunalbestyrelsip, aningaaseriviit allallu oqartussaanermik inatsisilerinermillu tigumminnittut Digitaliseringssstyrelsemit nalunaarsuiffissatut pisussaaffilerneqarsinnaapput aaliangiiffagalugillu tunniussineq, mattussinerit, ammaaqqinnerit aammalu inuinnaat MitID-risaannik matusisinnaanermut ilisimatitsissummi matumani maleruaqquneqartut malillugit ingerlassinnaagaat.

Stk. 3. Pisortat oqartussaaffeqarfii, pisortallu oqartussaaffigisaat allat imal. inatsisiliornermik ingerlatsiviit Digitaliseringssstyrelsenimiit piginnaasssusilerneqarsinnaapput ikorfartuisutut suliaqarsinnaasunngortillugit taamallu aaliangiiffigisinnaalerlugit mattussinerit, ammaaqqinnerit aammalu inuit ataasiakkaat MitID-nik matusinerit aammalu inuinnarnik MitID pillugu ilitsersuisinnaanerit.

Stk. 4. Nalunaarsuinermik ingerlatsiviit, tak. imm. 2 inuinnarnit saaffigineqarnerit pitillugit piumasarisat tunngavigineqartullu pillugit MitID pillugu ilitsersuinermik neqerooruteqassapput, tak, § 8. Ilitsersuinermi siunertaavoq inuinnaat MitID-mut atatillugu sinaakkutaasunik ilisimasqarnerulernissaat. Ilitsersuinerit annertussusaanni tunngavigineqassaaq Aqutsinermut inatsimmi § 7.

Inuinnarnut MitID

§ 2. Inuk 13-inik ukioqalereersimasoq, MitID-taarnissamut qinnuteqarsinnaavoq kommunimi nalunaarsuvimmut ornigulluni saaffiginninnikkut imal. aningaaseriviliarnikkut, pineqartoq MitID-mik ornigulluni saaffiginninnikkut tunniussinissamik neqerooruteqartuutilugu, tak. § 3, imal. digitaliusumik immineq sullissivimmik peqartillugu, tak. § 5. Taaneqartut saniatigut immikkut kinaassutsimik isumannaarininnisamut atatillugu maleruagassaqpoq, tak. § 6.

Imm. 2. Inuinnaap MitID-taarniarluni saaffiginninnerani kinaassusia uppernarsaatit atorlugit isumanaariffigineqassaaq § 3 imal. § 5-imti periusissatut innersuutigineqartut malillugit.

Imm. 3. MitID tunniunneqarsinnaavoq kinaassutsimik isumannaarininnisutit appasissut, annertujaat imal. qaffasissut atorlugit, Standard for identiteters Sikringsniveauer (NSIS). Sullississummik neqerooruteqartutut navialissutaasinjaasunik nalilersuissapput tamakkulu tunngavigalugit isumannaarinneriaatsit sorliit atorneqarnissaat aaliangiunneqassalluni tamakkulu tunngavigalugit aaliangerlugu immineq sullissisutissatut neqeroorumminni qanoq piumasaaqaasiinissaq.

Imm. 4. Qaffasissumik isumannaarissusersugaasumik MitID-mik tunniussineq pissaaq, tamanna Digitaliseringssstyrelsemit atuinissaq periarfissiissutaappat, tamannalu takuneqarsinnaavoq aqqutigalugu www.digst.dk/MitIDlegitimation.

*Immineq ornigulluni inuit MitID-mik pissarsitissinnaanissaannut atatillugu kinnaassusiannik
isumannaarinninnissaq*

§ 3. Nalunaarsuinermik suliaqarfik inuup MitID-mik piniarluni ornigunnerani kinaassusia uppernarsaatit piusut atorlugit isumannaarinnissaaq, tamakkulu takuneqarsinnaapput aqqutigalugu www.digst.dk/MitIDlegitimation.

Imm. 2. Inuinnaap ornigulluni saaffiginninnerani uppernarsaasiissutinik takutitsinissamik piumasarisat sukannernerujartortinnejassapput, isumannaarinninnissamut piumasarisat qaffakkiartortillugit, tak. NSIS.

Imm. 3. Nalunaarsuiffik toqqarluinnartumik kinaassutsimik qularnaarinninniassaq inuup uppernarsaasiissutinik takutitaasa, tak. immi 1, inuullu isikkuata imminnut sanilliunnerisigut. Nalunaarsuiffillu misissuisussaatitaasutut apeqquteqarsinnaatitaavoq inuttut normut tunngavigalugit, taamaaliorsinnaanngikkunilu aamma avataanit uppernarsaasiinerit aqqutigalugit kinaassusersiniarsin-naalluni. Uppernarsaasiisitsinermut piumasat takuneqarsinnaapput iserfigalugu www.digst.dk/MitIDlegitimation.

Imm. 4. Nalunaarsuiffiup nalunaarsussavai, inuup kinaassutsimik suut uppernarsaatitut atorsimagai, tak. imm. 1. Nalunaarsuiffiusullu aamma kinaassusiiniarnermi attavagineqarsinnaasutut nalunaarutigineqartut nalunaarsussavai il.il., ilanngullugit pineqartup qanoq imminut uppernarsaaniarnermini atorsimasai. Nalunaarsuiffiup aamma allattussavai, inuup pineqartup suut kinaassutsiminiik uppernarsaanermini atorsimagai.

Nalunaarsuiffiup orniguttumut MitID-mik tunniussinissamut aaliangiisinnaanera

§ 4. Nalunaarsuiffik inuup ornigulluni saaffiginnittup kinaassusia uppernarsiguniuk, tak. § 3, imm. 1 aamma 2, tassungaruinnaq tunngasumik digitalimik MitID-mut aaqqissuummut atatillugu kinaassusiliissaq isumannaarlugulu, pineqartup akuerineqarluni aqutsiviusumut isersinnaalernissaa. Tassani inuup pineqartup MitID-app atorsinnaassavaa imal. imminut isissutissatut pilersinneqarnikoq atorsinnaassallugu tigussaasumik ilisarititsisummut ilanngullugu; MitID-mut ilisarnaammik titimtarssummit, MitID-mut ilisarnaammik atuaasinnaasoq imal. MitID-chip aqqutigalugit. Kinaassutsimik takussutissiissutit inuup angerlarsimaffimmisut nalunaarutiginikuusaanut nassunneqassapput imal. nammineq ornigulluni nalunaarsuiffimmukarnikkut, ornigussinnaanermik neqerooruteqartumut.

Imm. 2. Inuk kinaaassutsimik ilisarnaatisanik akeqanngitsumik assigiinngitsunik pingasut tikillugit piniarsinnaavoq, kisiannili tamanna atuutinngilaq MitID-chipimut atatillugu, taannami akiliinikkut aatsaat pineqarsinnaammat. Taaneqartumullu akigititaasut takuneqarsinnaapput iserfigalugu www.digst.dk/MitIDlegitimation.

Imm. 3. Nalunaarsuiffiusup MitID-mik tunniussinissaq unitsillugu itigartitsissutigisinnavaa, inuk saaffiginnissuteqartoq naammattumik kinaanerminik uppernarsaasiisinnanngippat, uppernarsaatiginiakkatut takutinnejartut tutsuiginassusii atunnerinilu apeqquserneqarsinnaatillugit imal. saaffiginnittooq imminut paassisutissanik nalunaarsueqqusinngippat, pineqartut tassaappata kinaassutsimik uppernarsaasiissutit atorneqartussat il.il, tak. § 3, imm. 4.

Imm. 4. Nalunaarsuiffiusup inummut MitID-mik pisinnaaneq itigartitsissutigissavaa nalileruniuk pineqartoq MitID-qarnissamik peqarnissamut atatillugu piumasarineqartunik paasinnilluniluunniit naammassinnissinnaanngitsoq, tak. § 8.

*Digitaliusumik immineq sullississusiat atorlugit MitID-mik tunniussinermi kinaassutsimik
isumannaarinninnissaq*

§ 5. Inuk digitaliusumik MitID-taartinneqarnermi kinaassutsiminik uppernarsaasiisinnaavoq MitID-app-imi kinaassutsimik isumannaarinninnissamut atugassiaq atorlugu. Kinaassutsimik isumannaarinninnerup naammassinerani, inuup pineqartup qinersinnaavaa isissutissamik allatut isumannaarinninnermut ilassutitut atuinissaq, taakku taaneqartarpuit MitID-kodeviser, MitID-kodeoplæser imal. MitID-chip. Taaneqartut inuinnarnit piniarneqarsinnaapput pineqartullu najukkaminut nalunaarutigisaanut nassiuinneqassallutik imal. taassuma nalunaarsuvimmut ornigulluni aallerneratigut pineqarsinnaallutik, taakku taamatut ornigussinnaanermut neqerounik pingasut tikillugit piniarsinnaavoq, kisiannili tamanna atuutinngilaq MitID-chipimut atatillugu, taannami akiliinikkut aatsaat pineqarsinnaammat. Taaneqartumullu akigititaasut takuneqarsinnaapput iserfigalugu www.digst.dk/MitIDlegitimation.

Imm. 3. Inuup imminut sullississut atorlugu MitID-taarumalluni saaffigissuteqarnerani piumasarisaavoq, taassuma digitaliusumik uppernarsaasiinissamut atortussiat qaqugukkulluunniit akuerisaasut atussagai, taakkulu takuneqarsinnaapput iserfigalugu www.digst.dk/MitIDlegitimation.

Imm. 4. Immineq sullississutit atorlugit inuup saaffiginninnerani kinaassutsimik uppernarsaasiinissamut tunngasut annertusiartussapput, isumannaarinninnissap annertussusiata annertusiartornera ilutigalugu, tak. NSIS. Immineq digitaliusumik sullississutit atornerini kinaassutsimik isumannaarinninnissap, tak. imm. 1, tutsuiginaassuseq eqqarsaatigalugulu tunngavimmigut assigivaa ornigulluni saaffiginninneq, taamatullu iliornikkut Digitaliseringsstyrelsip isumannaartarpaa suleriutsip eIDAS-imi peqqussutaasup artikel 24, imm. 1 litra d-mi allassimasut naapertorlugit ingerlanissaq.

Imm. 5. Sunaluunniit peqqutigalugu MitID-mik tunniussinissamut atatillugu kinaassutsimik isumannaarinninniarneq digitaliusumik imminut sullissinnaaneq ajornarpat, taava taarsiullugu tunngavigineqarluni malinneqassaaq kinaassutimik isumannaarinneriaaseq, tak. 3, najoqqutassiaasoq.

Imm. 6. Inuk digitaliusumik imminut sullinnermi kinaassutsimik isumannaarinninniarpat, tak. imm. 1, taava kukkunersiusoqassaaq, tassani misissorneqarluni uppernarsaatiginiakkut atorneqartut inuullu isikuuta paatsuugassaanngitsumik imminnut naapertuunnerat, tamannalu ingerlanneqassaaq digitaliusumik uppernarsaasiissutitut takutinnejartut pisortat pigisaat aqqutigalugit.

MitID-mut nuunnermut atatillugu inuinnaat kinaassusaannik isumannaarinninneq

§ 6. MitID-mut nuunneq online-iusumik nalunaarsuinikkut aningaaserivimmi nalunaarsuiffissatut toqqagaasumi pisarpoq imal. pisarluni digitaliusumik nalunaarsugaasut iserfiginerisigut, tamanna Digitaliseringsstyrelsimit aqqutissatut atorneqarsinnaasutut akuerineqarluni ammaanneqarpat.

Imm. 2. Digitaliseringsstyrelsi ingerlaavartumik inuit MitID-mut nuutsinneqartussat toqqartortarpai, tak. imm. 1.1., tak. imm. 1. taamatullu iliorsinnaaneq aatsaat pisinnaavoq nalunaarsuiffusoq MitID-nik inunnut ataasiakkaanut siullertullu atuisussanut tunniussisimnaanermut toqqagaasuutillugu, tak. imm. 1.

Imm. 3. Nuussinnaanermut atatillugu piumasaqaataavoq, tak imm. 1, inuup NemID-mut atatillugu OCES-imik atuuttumik kinaassutsimigut isumannaagaanissaa, tak. NemID-nik digitaliusumik atsiuiffigineqarsinnaasunik tunniussillunilu matusisinnaanerit pillugit ilisimatitsissut 21. juni 2018-imeersumi nr. 899-imi § 2, imm. 3.

Imm. 4. Inulli NemID-minut piumasarineqartutut OCES-imik uppernarsaasigaanngitsoq, MitID-mik tunineqarsinnaavoq, tak. § 3 imal. § 5.

Inuinnaap MitID-qarsinnaaneranut piumasarisaasut

§ 7. Inuk MitID-mik peqarsinnaassaguni imm. 2-4-mi piumasarisaasut paassisavai ilanngullugillu MitID-qarnermi piumasarisaasut atuuttut malissallugit, MitID-mik tunineqarnermini malissallugit akuerinikuusani

Imm. 2. Inuup MitID-ni isumannaatsumik paaralugulu atussavaa aammalu iliuusissat pisariaqartut digitaliusumik atuinerlunneqarsinnaaneranut isumannaarutaasut. Tassani inuup peqartup kinaassutsimut uppernarsaassutaasut illersussavai, isissutissat, ilisarnaasiussat, bruger-id-nut MitID-nullu App pinkodeliussat, taamatut pitsaliussallugu atornerluisinnaaneq akuerisaanngitsumillu atuisoqarsinnaaneq.

Imm. 3. Inuup isissutissani aammalu MitID-mut pinkodet allanut tunniutissanngilai, taakkumi inuup immineq kisimi atorsinnaassallugillu ilisimasassarimmagit.

Imm. 4. Inuup MitID-qarnermut piumasarisaasut ilisarineqarsinnaanermullu atortussiat malinneqangippata MitID-ni matussavaa, tak. imm. 2.

MitID-mi ilaasinnaajunnaarsitsigallarneq, ammaaqginneq matusinerlu

§ 8. Ilaasinnaajunnaarsinneqarallarnermi MitID-mut ilisarnaatit assigisaallu ilaasinnaajunnaarsitaagallernerup iluani atorneqarsinnaajunnaarsitaasarpup. Peqataaqqilerneq immineq aallarteqqittarpoq ilaasinnaajunnaarallartitaanerup piffissaligaanera naagaangat, tessani tamatuma qanoq aallaaveqarnera apeqqutaalluni.

Imm. 2. Matusineq isumaqarpoq, MitID-mut digitaliusumik ilisarnaatit assigisaasalu atorneqarsinnaajunnaarsitaanerannik. Tessani pineqartoq MitID-mik atueqqissinnaalersinneqassappat, taava nutaamik akuerineqaqqartussaassaaq, tak. suleriusissaq pillugu § 3 imal. § 5.

Imm. 3. Inuk qaqugukkulluunniit ilaasinnaajunnaartitsinissamik saaffiginnissuteqarsinnaatitaavoq, ammaanneqaqqikkumasinnaalluni imal. MitID-imik matuseqqusisinnaalluni.

Imm. 4. Digitaliseringstyrelsi, nalunaarsuisinnaatitaasoq imal. allatut ikorfartuisut ingerlatsiviusoq MitID-mik atuisinnaajunnaartinneqassaaq pasitsaannejqarpat taanna MitID-qarnermi piumasarisaasunik malittarinngitsoq, tak. § 8, aamma inuk ilaasinnaajunnaarallartinneqarnissamik saaffiginnissuteqarpat tak. imm. 3 imaluuunniit paasineqarpat, inuup MitID-anik angiortumik unioqqutitsumillu atuiosoqarsimasoq.

Imm. 5. Nalunaarsuisitsiviusoq imal. allatut ikorfartuilluni ingerlatsiviusoq inuup MitID-anik erngerluinnartumik matusissaq pasitsaannejqarpat, inuk pineqartoq eqqunngitsunik paasissutissiimasoq imal. salloqittaatinik atuilluni kinaassutsiminik nalunaarutiginnilluni MitID-mik pissarsisimasoq imaluuunniit immineq ilaasinnaajunnaarallartinneqarnissamik saaffiginnissuteqarsimasoq.

Inuk toqusimappat imaluunniit pineqartoq tammarsimappat, taava aaqqiiniarnerup ingerlanerani taassuma MitID-a matuneqarallassaaq.

Imm. 6. Nalunaarsuisinnaatitaasoq imal. allatut ikorfartuisutut inissisimatitaasumut atatillugu peqartoq pillugu oqartussaasutut nakkutiliisumit saaffiginnissutigineqarpat imal. pineqartoq nakkutigisaasuappat, taava taassuma MitID- a matuneqassaaq, Nakkutiginnittutulli nalunaartup ilumut nakkutiginnittussaanini paatsuugassaanngitsumik uppernarsaqqassavaa.

Imm. 7. Nalunaarsuitinneqartoq allatulluunniit ikorfartuisitaasutut inissisimasoq, MitID-imik atuisinnaajunnaarallartitsisimasoq, inuk peqartuusoq qarsullugu, taava pineqartoq tassannga paasissutissiiffigineqassaaq suna tunngavigalugu atuisinnaajunnaartitaalluniluunniit taaneqartutut iliorfigineqarsimandersoq, taamatut paasissutissiineq ilisimatitsissutitut inummut pineqartumut nassiunneqarsinnaappat.

Maalaarfissaq

§ 9. Una ilisimatitsissut malillugu aaliangiinerit Digitaliseringstyrelsimum maalaarutigineqarsinnaappat.

Imm. 2. Digitaliseringssstyrelsimit maalaarummut attuumassuteqarsinnaasut suulluunniit pillugit nalunaarsuiffiusumit allatulluunniit ikorfartuisutut inisisimasumit taakku piumallugit peqqusisoqarsinnaavoq.

Atuutilerfia

§ 10. Ilisimatitsissut atuutilissaaq ulloq X 2022 aallarnerfigalugu.